

halten, vnd bliben nit bey der richtung, vnd nament die núcz in / vnd woltent vnsers Gottshúss leüt die karln vnd ander nit lassen sicher / wandlen, zú den Ihrn, vnd die von Wurmbs³⁰, die dero von Mätsch¹ helffer war- / ent, die fliegend in⁹ derselben richtung etlich vnsers Gottshúss leüt, vnd be- / raubtent ze Túfers⁴⁶ vnsers gottshúss Mann genandt Manascha ein / Kindt aúss der Wiegen dz 17 wúchen alt wass, vnd fúrtent dz gehn Wurmbs³⁰ / vmb dz, vnd vil ander gross schaden, so Sie vnserm Gottshuss da tatent, / füegt sich die sach aber zu kriegen.

Item darnach da kam der aller dúrchleuchtigist hochgeborn Fúrst vnser gnädiger herr, König Sigmudt Römischer vnd zú Vngarn König,⁴⁹ vnd macht daran⁷⁷ ein frid, / in dem frid wardt betádinget, vnd beredt, die sach vf etlich wolgeborn herrn / also dz die gemeinen, vnd zúgeseczten, beidertheil zúsprúch, vnd widerred, verhörn solt- / ent,⁸⁷ vnd die sach von beidertheil klag wegen, erkennen, vnnd darumb versprechen, / vf ein benembten tag, nach dem ward da aber ein ander anlass vf dieselb mein- / úng geben ze Zitzers, vnd ist aber die sach nit vssgericht, nach der zwey anlass / brief, sag, vf die zeit, als die anlassbrief weisent, vnd soltent aúch beeder- / theil sachen, vf ein genandt zeit aússgericht worden sein, vnd aúch ein sach mit / der andern, da ward Vnss, vmb vnser zúsprúch khein aússrichtung, damit Vnss⁷⁷ / derselb anlass mit dem rechten nit fürbass bindet, vnd als die dreý ge- / mainen beiden theilen tag verkhúndten gehn Costennz, vnd da vnser Vorfahrer / Bischoff Hartman³² dar kam, vnd dess ausprúchs wartet, da kam Graf / Eberhart von Nellenbúrg,^{50 u} vnnd der Trúchsäs von Walpurg,⁵¹ die gemein / leüt warent, nit dar, vnnd kham núr Graf Rudolf von Montfort⁵² / Landtúogt, allein dar, vnd der redt mit vnserm Vorfahrer Bischoff / Hartman also, sid der von Nellenburg,^{50 u} vnd der Trúchsäs,⁵¹ nicht da werent, / so kóndte, noch wolte Er den vsprúch, vnnd die úrtl nicht vssrichten, vnd / gab vnserm Vorfahren Bischoff Hartman³² die waal, ob Er wolte, so möchte / Er In, vnd die andern zween gemeinen bitten, dz Sie ein andern tag schöpfent,⁷⁷ / dieselben vrtl, vnnd vsprúch vsszesprechen, oder aber die sach fürbasser lassen bestan, / vncz an vnsers herrn dess Königs zúkunfft, vnd wie den der die sachen fürbasser vssrichte, vnnd bestalte, dz ess den dabey blib, vnnd also antwort Ihm vnser / Vorfahrer Bi-